



Villreinnemnda for Sogn og Fjordane

MØTEBOK

Vårmøte med kvotefastetting

Styre, råd, utval	Møtestad	Møtedato	Frå – til
Villreinnemnda for Sogn og Fjordane	Nettmøte; Teams	21.04.2020	kl 10.00 - 13.20

Til stades på møtet

Medlemmer og vara villreinnemnda:

Medlem: Kjell Kristian Carlsen (Askvoll), Liv Bergliot Løken (Sunnfjord), Gunnvor Sunde (Gloppen), Arne J Hauge (Luster), Stein Vidar Nemeth (Lærdal), Ellen Hilde Hauge (Stryn).

Vara:

Andre:

Siri W. Bøthun, sekretær (ref.) Hermund Mjelstad, Fylkesmannen i Vestland

Fråfall

Medlem: Ole Bjarne Hovland (Årdal) Vara: Anne Kauppi (Årdal).

Handsama saker

Sak V-20 1 til sak V-20 13

Det var to sak under V-20 13, Ymse: a) Bestandsplan for Førdefjella. b) utsendingar til villreinrådet sin fagdag

Underskrift

Det er motteke elektronisk godkjenning frå møtedeltakarane gjennom e-post som bekreftar at sidene i møteboka er ført i samsvar med det som blei bestemt på møtet.

For medlemmane:

sekretær



Villreinnemnda for Sogn og Fjordane

Vedlegg

8 vedlegg:

- *Vedlegg sak V-20 6, Sakspapir V-20 6, Bestandsplan Svartebotnen*
- *Vedlegg sak V-20 7, Sakspapir V-20 7, Fellingskvote for Svartebotnen villreinområde*
- *Vedlegg sak V-20 8, Sakspapir V-20 8, Fellingskvote for Førdefjella villreinområde*
- *Vedlegg sak V-20 9, Sakspapir V-20 9, Bestandsplan for Lærdal-Årdal*
- *Vedlegg sak V-20 10, Sakspapir V-20 10, Fellingskvote for Lærdal-Årdal villreinområde*
- *Vedlegg sak V-20 11, Sakspapir V-20 11, Fellingskvote for Sunnfjord villreinområde*
- *Vedlegg sak V-20 12, Sakspapir V-20 12, Fellingskvote for Vest-Jotunheimen villreinområde.*
- *Vedlegg sak V-20 13a, Sakspapir V-20 13a, Bestandsplan for Førdefjella*

Utskrifter

Utskrift sendt til: Nemndmedlemmar og vara i villreinnemnda Sogn og Fjordane, Fylkesmannen i Vestland, Villreinutvala for Vest-Jotunheimen, Lærdal/Årdal, Svartebotn, Førdefjella og Sunnfjord, Miljødirektoratet, Verneområdestyret for Jotunheimen nasjonalpark, Verneområdestyret for Naustdal-Gjengedal landskapsvernombord, Verneområdestyret for Jostedalsbreen nasjonalpark, Villrein.no, kommunane Askvoll, Sunnfjord, Stryn, Gloppen, Lærdal, Årdal, Luster.



Villreinnemnda for Sogn og Fjordane

Det vart halde vårmøte i villreinnemnda for Sogn og Fjordane 21. april 2020. På grunn av restriksjonar mot å halde møter i samband med smittefare for korona, vart møtet halde digitalt, på Teams. Då nettmøte kan være krevjande vart sakslista halden på eit minimum, utover oppdatering om pågående saker og andre viktige orienteringar vart berre saker relatert til drift av nemnda og viktige saker for forvalting av villreinstammene, inkl. jaktkvoter for 2020, handsama.

Leiar, Arne J Hauge ynskte velkomen, og orienterte litt om møtet og dagsorden. Økonomipostane og årsmelding er ikkje på dagsorden, for å korte ned møtet. Desse dokumenta sendast ut av sekretær i ettertid.

V-20-1: Godkjenning av innkalling og dagsorden, val av møteleiar

Innkalling og dagsorden vart godkjend.

Arne J Hauge vart vald til møteleiar.

V-20-2: Orienteringar

- Høyringar og innspelssaker i vinter:
 - Nemnda har gjeve uttale til Miljøkvalitetsnorm for villrein og til framlegg til endingar i motorferdsellova, der framlegg var til gjennomgang hjå alle.
 - Motorferdselsaker: a) Oppfølging av ein større sak om øvingsplanar for hjelpekorps frå hausten 2019. Verneområdestyret for Utladalen-Jotunheimen og Luster kommune har handsama sakene samt nokre endringsspørsmål.
 - Motorferdselsaker b) Sunnfjord kommune har handsama fleire motorferdselsaker der nemnda ikkje var kopla inn, men der me vart merksame på sakene via leiar i villreinutvalet. Det har vore kontakt og oppretta tettare dialog med sakshandsamar i kommunen. Siste løyve gjeven vart gjort i samråd med sekretær i nemnda, dette var helikopter til Øygardstølen i Solheimsdalen der ein måtte ta omsyn til kalvingsland ikkje langt unna og potensielt vår/forsommarbeite for rein i dalen.
 - Motorferdselsaker c) Det er gjeve fornya løyver i Naustdal-Gjengedal landskapsvernområde (Førdefjella). Desse er i samsvar med tidlegare løyver som er gjeve med omsyn til rein jfr. høyningsinnspel frå villreinnemnda.
- Det er teke ut ein skadd bukk frå Førdefjella villreinområde i våres. Bukken gjekk på innmark, og var tydeleg halt, den vart observert jamnleg gjennom to veker før avgjersla vart teken, då i samråd med veteranær. Det er og funne eit kadaver i fjellet i Førdefjella.
- Plakatoppslag med info. om villrein og oppmoding om omsyn er klare for Sunnfjord og Førdefjella. Plakatane vart synt fram. Ei forveksling av bileta mellom dei to områda rettast opp før trykking.
- Det vart orientert om arbeidet med dialogar / avtaleinngåing mellom tamreinlag og villreinutval med felles grenser. Dialogane mellom Lærdal-Årdal, og reindriftslaga Filefjell og Fram er ikkje ferdige, underveis er det funne fram til ei rekke dokument frå prosessane ved etablering og den avslatte søknaden om tamreinkonsesjon for den nordlegaste delen av leveområdet til Lærdal-Årdal-villreinen. Mellom anna er det kome fram eit svært godt kart, frå 2001, som syner grenser for grunneigedomar/sameiger (tilsvarande tidlegare vald, no jaktfelt), status for areala pr. dato og funksjonsområde for rein. Det gjenstår m.a. å sameinast om eit kart som syner grenser og buffersoner, nemndsekretären har tatt på seg oppgåva å utforme framlegg. ProsesSEN har avdekka feil i arealbrukskart på NIBIO si offentlege kartteneste Kilden.no, der nordleg del av Lærdal-Årdal står avmerkt som vinterbeite for Filefjell Reinslag, noko som ikkje lengre stemmer.
- Beitekartlegging i Sunnfjord villreinområde som var sett i gong med feltarbeid i september 2018, og med framhald i mai 2019, er no ferdig gjennomført. Kartlegginga er løyst som ei masteroppgåve ved Universitetet i Bodø, av Trine Lise Slåtsveen. Det vart funne at midtre delområde hadde etter måten gode tilhøve medan indre og ytre hadde lite lavressursar, noko som ikkje var uventa.



Villreinnemnda for Sogn og Fjordane

V-20-3: Møteplan 2020 - 2021

Vedtak:

Haustmøte 2020: Det er ynskje om å halde haustmøtet hjå Norsk Villreinsenter nord, på Hjerkinn, ein lyt då legge inn overnatting. Tidspunkt: veke 44.

Vårmøte 2021: Stad: Skei. Tidspunkt: 13 april.

V-20-4: Val av representantar til rådgjevande utval for verneområdestyre

- a) Rådgjevande utval for Nasjonalparkstyret for Ultadalen og Jotunheimen.

Framlegg til val av representant: Representant for Luster kommune

Handsaming: Arne J Hauge gjorde nemnda merksam på at han allereie sit i dette rådet på vegne av Luster kommune. Nemnda bør med det vele ein annan representant slik at han slipp å representera ulike organ i same møte. Nemnda ynskte at ein av hovudmedlemmane vert vara framfor å nytte nemnda sine kommunevise varamedlemmar. Det kom alternativt framlegg til vedtak.

Alternativt framlegg til vedtak: Representant frå Årdal kommune, vara: repr. frå Lærdal kommune.

Vedtak: Ole Bjarne Hovland, repr. frå Årdal vert nemnda sin representant i Rådgjevande utval for Nasjonalparkstyret for Ultadalen og Jotunheimen. Stein Vidar Nemeth, Lærdal vert personleg vara.

- b) Rådgjevande utval for verneområdestyret for Naustdal-Gjengedal landskapsvernombåde.

Utgreiing:

Villreinforvaltinga har hatt ein representant med vara, der villreinnemnda og villreinutvalet har hatt eit samarbeid, og felles representant. Denne representanten har vore leiar i Førdefjella villreinutval.

Villreinnemnda og villreinutvalet er to svært ulike organisasjonar. Felles er at de arbeidar til beste for villreinstamma, ulikheta er at utvalet er eit samarbeidsorgan som representerer grunneigarane medan nemnda er ei politisk vald nemnd som representerer offentleg forvalting. Sekretariatet tilrår at nemnda bed om at kvart organ får sin eigen representant i det rådgjevande utvalet.

Framlegg til vedtak: Villreinnemnda bed verneområdestyret om å få sin egen, sjølvstendige representant i rådgjevande utval.

Framlegg til val av representant: Representant frå Sunnfjord kommune, alternativt representant frå Gloppen kommune.

Handsaming: Det var semje om at villreinnemnda bør ha ein eigen medlem, der villreinnemnda og villreinutvalet opptrer kvar for seg med ein representant kvar. Liv Løken frå Sunnfjord kan gjerne tenkje seg å sitte i rådet. Nemnda ynskte at ein av hovudmedlemmane vert vara framfor å nytte nemnda sine kommunevise varamedlemmar. Det kom alternativt framlegg til vedtak.

Alternativt framlegg til vedtak: Villreinnemnda bed verneområdestyret om å få sin egen, sjølvstendige representant i rådgjevande utval. Liv Løken, repr. frå Sunnfjord, vert nemnda sin representant i Rådgjevande utval for verneområdestyret for Naustdal-Gjengedal landskapsvernombåde. Gunnvor Sunde, Gloppen, vert personleg vara.

Vedtak: Villreinnemnda bed verneområdestyret om å få sin egen, sjølvstendige representant i rådgjevande utval. Liv Løken, repr. frå Sunnfjord, vert nemnda sin representant i Rådgjevande utval for verneområdestyret for Naustdal-Gjengedal landskapsvernombåde. Gunnvor Sunde, Gloppen, vert personleg vara.

V-20-5: Sakshandsaming, delegasjon og arbeidsgrupper

Utgreiing:

Det var oppe ei sak om rutinar og delegasjon i nemnda på oppstartsmøte 4. februar på Dombås. Jfr. vedtak her skal tema takst fram i vårmøte:



Villreinnemnda for Sogn og Fjordane

«O2-20-2: Rutiner og delegering

Ønsker at gjeldene praksis gjelder fram til neste møte, og at rutiner og delegeringsreglement fastsettes på vårmøtet i samråd med sekretær. Nemda ønsker å diskutere hva som er store saker og hva som alltid skal inn til hele villreinnemnda, og hva som er mindre saker som kan i arbeidsutvalgene.»

Vidare handsaming vert opna ved ei orientering frå sekretær om kva som var praksis i førre periode. Så vert ordet vert fritt, før ei felles oppsummering set prinsipielle grenser for handsaming som delegert sak til sekretær, delegert sak til arbeidsutval, og saks som skal handsamast i heile nemnda.

Som grunnprinsipp vert det tilrådd at alle i nemnda får kopi av alle uttaler som vert gjeve i delegerte saker.

Framlegg til vedtak: saka vert lagt fram utan forslag til vedtak.

Handsaming: Det vart ei ordveksling om nivå for sakshandsaming, og det kom fram frå tidlegare medlemmar at praksisen har fungert godt.

Vedtak: Villreinnemnda skal halde fram med praksisen frå førre periode. Heilt enkle saker utan konflikt kan svarast på av sekretær. Mindre saker handsamast i arbeidsgruppe for den respektive kommune, jfr. vedtak i sak O-20 1, frå konstituerande møte. Saker med vesentleg konsekvens for villrein eller saker som er prinsipielle skal sendast til heile nemnda. Leiar avgjer nivået for sakshandsaminga. Nemndsmedlemmane skal ha kopi av alle høyringssvar, uavhengig av nivå.

V-20-6: Bestandsplan Svartebotnen

Saka vart innleia med ein gjennomgang av innkomen bestandsplan og utsend sakspapir med utgreiing og framlegg til vedtak. Sakspapiret fylgjer vedlagt.

Handsaming: Det vart diskutert ein del kring bukkeandel i små stammer. Det vart stilt spørsmål om genetikk, og i kor stor grad me vil klare å ta vare på stammen i Svartebotnen når høvet til å få inn nye gener er så sterkt avgrensa. Evt. migrasjon av bukk mellom dei tre områda i Sunnfjord er av svært stor verdi. Det er kjent at dette har hend. Elles er einaste tilgjengelege «middel» mot tap av genetisk breidde i stamma å halde ei stamme med mykje bukk.

Villreinnemnda var nøgd med plandokumentet, og tykkjer det er eit godt dokument å byggje vidare på.

Vedtak:

Med heimel i Forskrift om forvaltning av hjortevilt § 27 godkjenner villreinnemnda Bestandsplan for Svartebotnen Villreinváld 2020-2024, som gjeldande bestandsplan for Svartebotnen villreinområde. Godkjenninga er under føresetnad av at fordelinga i kjønn og alder justerast til 30% vaksen bukk, 35% simle/ungdyr og 35% kalv dei to første åra, for å justere stamma slik planen legg opp til. Dei resterande åra kan fordelinga i framlegget gjelde (hhv. 20%, 40% og 40%). Planen skal leggjast til grunn ved handsaming av kvotetildeling innanfor planperioden.

V-20-7: Fellingskvote for Svartebotnen villreinområde

Saka vart innleia med ein gjennomgang av utsend sakspapir med utgreiing og framlegg til vedtak (vedlagt).

Handsaming: Villreinnemnda stilte seg bak vurderingane i saksutgreiinga og i saksutgreiinga for bestandsplanen.

Vedtak:

Med heimel i Forskrift om forvaltning av hjortevilt § 28 fastset villreinnemnda fellingskvoten for Svartebotnen villreinområde til 15 løyver for jakta 2020. Jfr. § 29, og gjeldande bestandsplan er løyva tildelt som frie, men uttaket skal fordelast på kjønn og alder etter bestandsplanen slik: 30% vaksen bukk (4,5 dyr), 35% simle eller ungdyr (5,25 dyr), 35% kalv (5,25 dyr). Avrundingar lyt jamnast ut over planperioden.



Villreinnemnda for Sogn og Fjordane

V-20-8: Fellingskvote for Førdefjella villreinområde

Før denne saka, vart sak V-20 13a, Bestandsplan for Førdefjella handsama.

Saka vart innleia med ein gjennomgang av utsend sakspapir med utgreiing og framlegg til vedtak (vedlagt).

Handsaming: Villreinnemnda stilte seg bak vurderingane i saksutgreiinga og i saksutgreiinga for bestandsplanen.

Vedtak:

Med heimel i Forskrift om forvaltning av hjortevilt § 28 fastset villreinnemnda fellingskvoten for Førdefjella villreinområde til 12 løyver for jakta 2020. Jfr. § 29, vert løyva tildelt som frie løyver, uttaket skal følgje fordelinga på kjønn og alder i bestandsplanen, det vil seie 20% vaksen bukk (2 dyr), 40% simle eller ungdyr (5 dyr), 40% kalv (5 dyr).

V-20-9: Bestandsplan for Lærdal-Årdal

Saka vart innleia med ein gjennomgang av innkomen bestandsplan og utsend sakspapir med utgreiing og framlegg til vedtak. Sakspapiret fylgjer vedlagt.

Handsaming: Det vart diskutert kring stammestruktur (kjønn og alder) og spørsmålet om bukkeandel, og uvissa ein no har i høve til strukturen. Det vart og fokus på vanskane med tap av dyr og mangel på forventa vekst.

Villreinnemnda bad om at fylgjande kommentar vert referert: Vanskår med å få opp talet på vinterdyr, og dette at ein tapar dyr, truleg til migrasjon, kan være teikn på at området ikkje tol så stor stamme som ein har sett føre seg. Nemnda ynskjer at det vert gjort nøyne vurderingar i høve til bestandsmålet ved neste rullering av planen.

Vedtak:

Med heimel i Forskrift om forvaltning av hjortevilt § 27 godkjenner villreinnemnda Driftsplan for Lærdal-Årdal villreinområde 2018-2022, som gjeldande bestandsplan. Godkjenninga vert gjeve til trass for at avskytingsplanen vil minske bukkeandelen i stamma, i motstrid til målet for stammestruktur, då dette skuldast ekstraordinær situasjon med trong for å få ut CWD-prøver med maksimal verdi. Planen skal leggjast til grunn ved handsaming av kvotetildeling innanfor planperioden, men villreinnemnda tek etterhald i høve til framtidige løyvetildelingar om at strukturteljing i 2020 syner at bukeuttaket i planen for 2021 og 2022 er forsvarleg.

V-20-10: Fellingskvote for Lærdal-Årdal villreinområde

Saka vart innleia med ein gjennomgang av utsend sakspapir med utgreiing og framlegg til vedtak (vedlagt).

Handsaming: Jfr. det som kjem fram i sak V-20 9 med tanke på CWD-prøver, stiller nemnda seg bak vurderingane i saksutgreiinga.

Vedtak:

Med heimel i Forskrift om forvaltning av hjortevilt § 28 fastset villreinnemnda fellingskvoten for Lærdal-Årdal villreinområde til 20 løyver for jakta 2020. Jfr. § 29, og gjeldande bestandsplan er løyva tildelt som frie, men uttaket skal fordelast på kjønn og alder etter bestandsplanen slik: 75% vaksen bukk (15 dyr) og 25% kalv (5 dyr). Avrundingar lyt jamnast ut over planperioden.

V-20-11: Fellingskvote for Sunnfjord villreinområde

Saka vart innleia med ein gjennomgang av utsend sakspapir med utgreiing og framlegg til vedtak (vedlagt).

Handsaming: Villreinnemnda roser ei fornuftig vurdering av villreinutvalet, og ser inga mening i å tildele kvote til nokon som i felles organ har funne at dei ikkje ynskjer å jakte.



Villreinnemnda for Sogn og Fjordane

Vedtak:

I tråd med framlegg frå Sunnfjord villreinutval tildeler villreinnemnda ingen fellingsløyver til Sunnfjord villreinområde for jakta 2020.

V-20-12: Fellingskvote for Vest-Jotunheimen villreinområde

Saka vart innleia med ein gjennomgang av utsend sakspapir med utgreiing og framlegg til vedtak (vedlagt).

Handsaming: Det vart diskutert kring innhaldet av bukk i stamma, og historikken, der det høge uttaket av bukk i 2018 vart teke fram. I 2018 hadde bestanden vore utan jakt i fleire år, og det var ein høg andel bukk. No er det frå før lite bukk, med føreslegne uttak vil ein ytterlegare redusere talet på bukk, då vert det lite att. Villreinnemnda støtta framlegget om å justere løyva i høve til framlegget frå utvalet. Det vart nemnd ei uroing for vintertilhøva i år. Dyra trekte tidleg ut av dei ordinære vinterbeita sine, og søkte ned i lågtliggende terrengr.

Vedtak:

Med heimel i Forskrift om forvaltning av hjortevilt § 28 fastset villreinnemnda fellingskvoten for Vest-Jotunheimen villreinområde til 34 løyver for jakta 2020. Jfr. § 29, vert kvoten fordelt på kjønn og alder slik: 25 % voksen bukk (8 dyr), 50 % simle/ungdyr (17 dyr) og 25 % kalv (9 dyr).

V-20-13 Ymse

a: Bestandsplan for Førdefjella

Førdefjella fekk oppdatert bestandsplanen, jfr. etterlysingar frå villreinnemnda, i siste liten. Saka sto difor ikkje på utsend agenda. Saksutgreiing og planframlegg vart lagt til i dokumentmappa for møtet den 20. april. Nemnda aksepterte å handsame saka ved direkte gjennomgang på møte. Saka vart innleia med ein gjennomgang av innkomen bestandsplan og utsend sakspapir med utgreiing og framlegg til vedtak. Sakspapiret fylgjer vedlagt.

Handsaming: Det vart stilt spørsmål om kvifor ein tidlegare har hatt tradisjon i dei vestlege områda med høg andel simler. Det kom tilsvær på at dette er for å ha ein stor produksjon i stamma. Dette kan og være eit tiltak i oppbyggingsfase.

Framlegget til bestandsplan fekk støtte.

Vedtak:

Med heimel i Forskrift om forvaltning av hjortevilt § 27 godkjenner villreinnemnda Bestandsplan for Førdefjella villreinområde 2020-2022, som gjeldande bestandsplan. Planen skal leggjast til grunn ved handsaming av kvotetildeling innanfor planperioden.

b: Villreinrådet sin fagdag 2020

Villreinrådet sin fagdag er utsett til oktober månad. Nemndsleiar ynskte likevel å orientere om samlinga og utfordre til deltaking. Nemnda har hatt med 2-3 representantar på fagdagar og årsmøtet. Då fast dato ikkje er sett vart det vanskeleg å bestemme kven som skal reise. Nemnda utsette difor avgjersla til dato er sett, kandidatar vert peikte ut gjennom e-postkorrespondanse.

Det var semje om å føre 3 timer på møte og 3 timer til førebuing, etter framlegg frå Fylkesmannen.

28.04.2020

Siri Wølneberg Bøthun (ref.)